

Gawaing Pampagkatuto sa Mabisang Komunikasyon

Kuarter

2

PAG-AARI NG PAMAHALAAN
HINDI IPINAGBIBILI

Gawaing Pampagkatuto sa Mabisang Komunikasyon
Kuwarter 2: Bilang ng Araw: 4

Ang materyal na ito ay inilaan lamang para sa paggamit ng mga guro na kalahok sa pilot implementation ng *Strengthened Senior High School Curriculum*. Layunin nito na tumulong sa paghahatid ng mga nilalaman, pamantayan, at kasanayang pampagkatuto ng kurikulum. Ang anumang hindi awtorisadong pagkopya, pamamahagi, pagbabago, o paggamit ng materyal na ito labas sa itinakdang saklaw ay mahigpit na ipinagbabawal at maaaring magresulta sa angkop na mga legal na hakbang at kaparusahan.

Ang mga akda na ginamit sa materyal na ito ay nagtataglay ng karapatang-ari ng mga iyon. Pinagsumikapang matunton ang mga ito upang makuha ang pahinulot sa paggamit ng materyales. Hindi inaangkin ng mga bumuo ng materyales ang karapatang-arang iyon.

Bumuo sa Pagsusulat ng Banghay-Aralin

Manunulat:	Sigrid F. Tibordo Niel Orven A. Talavera Jennifer V. Marangi Rehiyon IV - A
Tagasuri ng Nilalaman:	Mark Anthony M. Artis
Tagasuri ng Wika:	Dr. Jayson D. Petras
Konsultant:	Dr. Jayson D. Petras
Learning Area Specialist:	Jefferson V. Torres

Bureau of Learning Delivery
Bureau of Curriculum Development
Bureau of Learning Resources

Pinagsikapang tiyakin ang kawastuhan ng mga impormasyon na nasa materyal na ito. Para sa katanungan o puna, maaaring sumulat o tumawag sa Tanggapan ng Direktor ng Bureau of Learning Resources sa pamamagitan ng pagtawag sa mga numero ng telepono (02) 8634-1072 at 8631-6922 o sa pamamagitan ng email sa blr.od.@deped.gov.ph

GAWAING PAMPAGKATUTO

Asignatura:	Mabisang Komunikasyon	Kuarter:	2
Bilang ng Aralin:		Petsa:	
Nilalaman:	Tekstong <i>Public-facing</i>		
Pangalan:		Baitang:	11

- I.** Gawain Bilang 1: 4-Pik-Pahiwatig
- II.** Layunin: Sa pagtatapos ng gawaing ito, ang mag-aaral ay inaasahang makapagpamalas ng dating kaalaman sa tekstong *public-facing* sa tulong mga salitang *kaugnay* nito.
- III.** Kagamitang Kailangan: Panulat
- IV.** Panuto: Suriing mabuti ang karaniwang katangian ng apat na larawan upang masagot ang salita o mga salitang tinutukoy nito. Gamiting pahiwatig ang mga nakalantad na titik.



O _ I _ _ O _



P _ B _ _ C _

F _ C I _ G



_ O T _ _ N _

I M _ _ _ M _ S I _ _ N


Pamprosesong Tanong:

- Ano-ano ang mga salitang nabuo sa isinagawang 4-pik-pahiwatig?
- Anong makabuluhang pangungusap ang maaaring mabuo gamit ang mga salitang ito?
- Sa nabuong pangungusap, ano mahihinuhang tuon ng ating tatalakayin?

GAWAING PAMPAGKATUTO

Asignatura:	Mabisang Komunikasyon	Kuarter:	2
Bilang ng Aralin:		Petsa:	
Nilalaman:	Tekstong <i>Public-facing</i>		
Pangalan:		Baitang:	11

- I. Gawain Bilang 2: Teksuri
- II. Layunin: Sa pagtatapos ng gawaing ito, ang mag-aaral ay inaasahang mapagbahagi ng kasanayan sa pagsusuri ng tekstong *public-facing* mula sa kilalang *social media platform*.
- III. Kagamitang Kailangan: Panulat
- IV. Panuto: Suriin ang halimbawa ng isang opinyon mula sa social media at punan ang form kasunod nito,



PAKSA:

POSISYON:

RASON:

PATUNAY:

PINAGBATAYANG
IMPORMASYON:

GAWAING PAMPAGKATUTO

Asignatura:	Mabisang Komunikasyon	Kuarter:	2
Bilang ng Aralin:		Petsa:	
Nilalaman:	Tekstong <i>Public-facing</i>		
Pangalan:		Baitang:	11

- I. Gawain Bilang 3: Pili-Limi
- II. Layunin: Sa pagtatapos ng gawaing ito, ang mag-aaral ay inaasahang makapagpamalas ng masusing pagkilatis sa mga tekstong *public-facing* na marapat tangkilikin at paniwalaan.
- III. Kagamitang Kailangan: Panulat
- IV. Panuto: Ang mga larawan at icon sa ibaba ay karaniwang plataporma kung saan malayang nakapagpapaskil ng tekstong *public-facing* sa anyo ng *vlog*, *blog*, komentaryo o adbokasiyang post ang sinuman, pumili ng paborito mo sa mga ito at maglahad ng *public-facing* na naibahagi rito tungkol sa pagiging inklusibo, pagkakapantay-pantay, o kamalayang panlipunang masasabing lubusang tumatak sa iyo. Ilahad ang dahilan sa pamamagitan ng 2-3 pangungusap.



GAWAING PAMPAGKATUTO

Asignatura:	Mabisang Komunikasyon	Kuarter:	2
Bilang ng Aralin:		Petsa:	
Nilalaman:	Tekstong <i>Public-facing</i>		
Pangalan:		Baitang:	11

- I. Gawain Bilang 4: TekSipat
- II. Layunin: Sa pagtatapos ng gawaing ito, ang mag-aaral ay inaasahang matukoy ang kaibahan ng tekstong *public-facing* sa iba pang uri ng teksto sa pamamagitan ng mga pahayag.
- III. Kagamitang Kailangan: Panulat
- IV. Panuto: Suriing mabuti ang sumusunod na pahayag. Isulat **PUB** kung ito ay tekstong *public-facing* at **AKAD** kung tekstong akademiko.

___ 1. "Sa podcast episode na ito, maririnig natin ang kwento ng isang indigenous youth leader na patuloy na lumalaban para sa kanilang karapatan sa lupa at pagkilala sa kanilang kultura."

___ 2. "Sa paaralan, walang naiwan. Lahat ng bata ay may karapatang matuto, kahit ano pa ang kanilang pinagmulan."

___ 3. "Ang layunin ng pananaliksik na ito ay matukoy ang mga salik na nakaaapekto sa akademikong pagganap ng mga mag-aaral sa pampublikong sekondarya."

___ 4. "Tara na't makiisa sa Brigada Eskwela! Sama-sama nating linisin at pagandahin ang ating paaralan para sa mas ligtas na pagbabalik-eskwela."

___ 5. "Ang integrasyon ng makataong pagkatuto sa kurikulum ay nagpapalalim sa pag-unawa ng mga mag-aaral sa papel ng edukasyon sa pagbabago ng lipunan."

GAWAING PAMPAGKATUTO

Asignatura:	Mabisang Komunikasyon	Kuarter:	2
Bilang ng Aralin:		Petsa:	
Nilalaman:	Tekstong <i>Public-facing</i>		
Pangalan:		Baitang:	11

- I. Gawain Bilang 5: Sagot o Salag
- II. Layunin: Sa pagtatapos ng gawaing ito, ang mag-aaral ay inaasahang makapaglapat ng natamong pagkatuto sa pamamagitan kasanayan sa pagsusuri at pangangatwiran.
- III. Kagamitang Kailangan: Panulat
- IV. Panuto: Magpasya sa pagitan ng **SASAGOT** kung sa tingin mo ay **Akademiko** ang sipi ng teksto at **SASALAG** kung sa tingin mo ay **Public-facing** ito. Matapos pumili, bibigyan ng maikling paliwanag.

Sipi 1:

"Alam mo bang isa sa bawat apat na kabataan sa Pilipinas ay walang access sa stable na internet? Isa itong malaking hadlang sa edukasyong pantay para sa lahat."

► Sagot o Salag? _____

► Bakit? _____

Sipi 2:

"Para sa akin, dapat gawing libre ang sanitary products sa lahat ng pampublikong paaralan. Hindi dapat hadlang ang menstruation sa edukasyon ng kababaihan."

► Sagot o Salag? _____

► Bakit? _____

Sipi 3:

"Sa artikulong ito, ilalahad namin ang mga umiiral na batas para sa karapatang pantao ng mga miyembro ng LGBTQIA+ sa Southeast Asia."

► Sagot o Salag? _____

► Bakit? _____

GAWAING PAMPAGKATUTO

Asignatura:	Mabisang Komunikasyon	Kuarter:	2
Bilang ng Aralin:		Petsa:	
Nilalaman:	Tekstong <i>Public-facing</i>		
Pangalan:		Baitang:	11

- I. Gawain Bilang 6: KoneKonsepto
- II. Layunin: Sa pagtatapos ng gawaing ito, ang mag-aaral ay inaasahang maibuo ang konsepto ng aralin gamit ang pinag-ugnay-ugnay na salitang kaugnay nito upang mabuo ng makabuluhang pangkalahatang ideya.
- III. Kagamitang Kailangan: Panulat
- IV. Panuto: Pumili ng limang salita mula sa kahon sa ibaba. Pag-uugnay-ugnayin ang mga ito upang makabuo ng isang pangungusap na bubuod sa aralin tungkol sa Tekstong *Public-Facing*. Gamitin ang likhang pangungusap upang maipakita ang kabuuang konsepto ng aralin.



Piniling Salita:

- ☐ _____
- ☐ _____
- ☐ _____
- ☐ _____
- ☐ _____

Pangungusap:

GAWAING PAMPAGKATUTO

Asignatura:	Mabisang Komunikasyon	Kuarter:	2
Bilang ng Aralin:		Petsa:	
Nilalaman:	Tekstong <i>Public-facing</i>		
Pangalan:		Baitang:	11

- I. Gawain Bilang 7: IbaHambing
- II. Layunin: Sa pagtatapos ng gawaing ito, ang mag-aaral ay inaasahang matukoy ang kaibahan ng tekstong *public-facing* sa tekstong akademiko sa tulong ng talahanayan.
- III. Kagamitang Kailangan: Panulat
- IV. Panuto: Ihambing ang pagkakaiba ng *Tekstong Akademiko at Tekstong Public-facing*. Isulat sa talahanayan ang sagot.

Tekstong Akademiko at Tekstong Public-facing		
Mga Aspekto	Tekstong Akademiko	Pubstong Public-facing
Target na Awdyens		
Wika		
Layunin		
Estruktura		

GAWAING PAMPAGKATUTO

Asignatura:	Mabisang Komunikasyon	Kuwartar:	2
Bilang ng Aralin:		Petsa:	
Nilalaman:	Pagkilala sa Tekstong Persuveysib at Prosedyural Pagsusuri ng mga Tekstong may Kultural na Kaugnayan		
Pangalan:		Baitang:	11

- V.** Gawain Bilang 8: Salita ng Kultura
- VI.** Layunin: Sa pagtatapos ng gawaing ito, ang mag-aaral ay inaasahang matukoy at maipaliwanag ang mga salitang may kultural na kahulugan batay sa napiling palabas o akda.
- VII.** Kagamitang Kailangan:
- VIII.** Panuto: Pumili ng limang (5) salita mula sa mga napanood na pelikula o teleserye, o mga nabasang kuwento na may kultural na kahulugan o may kaugnayan sa paniniwala, tradisyon, o kaugalian ng isang grupo o lipunan. Pagkatapos ay bigyan ito ng kahulugan. Gamiting pormat ang talahanayan sa ibaba.

SALITA	KAHULUGANG PANGKULTURA
Halimbawa: Harana	Pamamaraan ng panliligaw gamit ang pagkanta
1.	
2.	
3.	
4.	
5.	

GAWAING PAMPAGKATUTO

Asignatura:	Mabisang Komunikasyon	Kuarter:	2
Bilang ng Aralin:		Petsa:	
Nilalaman:	Pagkilala sa Tekstong Persuweysib at Prosedyural Pagsusuri ng mga Tekstong may Kultural na Kaugnayan		
Pangalan:		Baitang:	11

- I. Gawain Bilang 9: *Digital Age* na Kultura
- II. Layunin: Sa pagtatapos ng gawaing ito, ang mag-aaral ay inaasahang maipaliwanag ang mga elementong kultural sa isang *viral video* o *digital advertisement*, at maipakita ang pag-unawa sa kahalagahan nito sa lipunan sa pamamagitan ng pagsagot sa mga gabay na tanong.
- III. Kagamitang Kailangan:
- IV. Panuto: Pumili ng isang viral video o digital ad na nagpapaliwanag ng kultura. Sagutin ang mga gabay na tanong:




Mga Gabay na Tanong:

1. Ano ang ipinapakitang kultura?
2. May bahid ba ito ng tekstong persuweysib?
3. Ano ang epekto nito sa pananaw ng kabataan?
4. Kung ikaw ang gagawa ng prosijural na bersyon nito, ano ang mga hakbang?

GAWAING PAMPAGKATUTO

Asignatura:	Mabisang Komunikasyon	Kuarter:	2
Bilang ng Aralin:		Petsa:	
Nilalaman:	Pagkilala sa Tekstong Persuweysib at Prosedyural Pagsusuri ng mga Tekstong may Kultural na Kaugnayan		
Pangalan:		Baitang:	11

- I. Gawain Bilang 10: *Rebyu Gallery Walk*
- II. Layunin: Sa pagtatapos ng gawaing ito, ang mag-aaral ay inaasahang makalikha ng makabuluhang *poster slogan* na nanghihikayat sa iba na pahalagahan ang kultura, at makaisip ng mga konkretong hakbang upang ito'y maibahagi sa paaralan, *social media*, o komunidad.
- III. Kagamitang Kailangan:
- IV. Panuto: Gumawa ng persuweysib na *poster slogan* na nanghihikayat sa iba na tanggapin o pahalagahan ang isang kultura o tradisyon. Sa likod ng poster slogan, isulat ang prosijural na hakbang kung paano maaaring maipakilala ito sa mas maraming tao (hal. sa eskwelahan, *social media*, o barangay).



GAWAING PAMPAGKATUTO

Asignatura:	Mabisang Komunikasyon	Kuarter:	2
Bilang ng Aralin:		Petsa:	
Nilalaman:	Pagkilala sa Tekstong Persuweysib at Prosedyural Pagsusuri ng mga Tekstong may Kultural na Kaugnayan		
Pangalan:		Baitang:	11

- I. Gawain Bilang 11: Kilala-Kultura
- II. Layunin: Sa pagtatapos ng gawaing ito, ang mag-aaral ay inaasahang matukoy ang mga prinsipyo ng persuweysib at prosijural kung paano naipakikita ang kultura sa napiling teksto.
- III. Kagamitang Kailangan:
- IV. Panuto: Pumili ng isang tula, kuwento, o pelikula mula sa ibang bansa. Punan ang *graphic organizer* sa ibaba batay sa iyong pagsusuri. Gamitin ang mga prinsipyo ng persuweysib at prosijural upang tukuyin kung paano naipakikita ang kultura sa napiling teksto.

Bahagi	Sagot ng Mag-aaral
Pamagat ng Teksto	
Uri ng Teksto (Tula / Kwento / Pelikula)	
Bansa ng Pinagmulan	
Kultural na Tema o Kaugalian na Inilahad	
Persuweysib na Aspekto (Paano tayo hinikayat ng teksto? Ano ang nais nitong ipaniwala o ipadama?)	
Prosijural na Aspekto (May sinusunod ba itong hakbang o proseso? Ano ang pagkakasunod-sunod ng mga pangyayari?)	
Aking Repleksyon (Ano ang natutunan ko tungkol sa kulturang ito?)	
Kaugnayan sa Kulturang Pilipino (May pagkakatulad o pagkakaiba ba sa ating kultura? Ipaliwanag.)	

GAWAING PAMPAGKATUTO

Asignatura:	Mabisang Komunikasyon	Kuarter:	2
Bilang ng Aralin:		Petsa:	
Nilalaman:	Tekstong Naratibo at Deskriptibo		
Pangalan:		Baitang:	11

- I. Gawain Bilang 12: “Ano Ba Talaga?”
- II. Layunin: Sa pagtatapos ng gawaing ito, ang mag-aaral ay inaasahang makapagpahayag ng sariling damdamin, ideya o opinyon batay sa napagmasdang larawan.
- III. Kagamitang Kailangan:
- IV. Panuto: Tingnan at suriin ang dalawang larawan sa ibaba. Sumulat ng isang maikling sanaysay o talata na nagpapahayag ng iyong pagkakaunawa, paghahambing, at opinyon tungkol sa mga ito. Maaari mong gamitin ang mga tanong sa ibaba bilang gabay:
 - Ano ang ipinapakita sa Larawan Bilang 1?
 - Ano naman ang ipinapakita sa Larawan Bilang 2?
 - Paano sila magkaiba o magkatulad?
 - Ano ang mas gusto mo sa dalawa? Bakit?
 - Ano ang natututuhan mo sa mga larawang ito?



Larawan Bilang 1



Larawan Bilang 2

<u>Kategorya</u>	<u>4 (Napakahusay)</u>	<u>3 (Mahusay)</u>	<u>2 (Katamtaman)</u>	<u>1 (Pangunahing Pangangailangan)</u>
<u>Nilalaman</u>	Malinaw at masining na naipahayag ang sariling damdamin, ideya o opinyon; lubos na nauugnay sa larawan.	Naipahayag ang sariling damdamin, ideya o opinyon; may kaugnayan sa larawan.	Bahagyang naipahayag ang damdamin, ideya o opinyon; kulang sa kaugnayan sa larawan.	Hindi malinaw ang damdamin, ideya o opinyon; hindi nauugnay o hindi batay sa larawan.
<u>Organisasyon</u>	Maayos ang pagkakasunod-sunod ng mga ideya, may malinaw na simula, gitna, at wakas.	May maayos na pagkakabuo ngunit may kaunting kalabuan sa daloy ng ideya.	Hindi gaanong malinaw ang daloy ng mga ideya, may mga bahagi ng sanaysay na magulo.	Magulo at walang lohikal na organisasyon; mahirap sundan ang mga ideya.
<u>Wika at Estilo</u>	Gumamit ng angkop, masining, at makapangyarihang wika upang maipahayag ang damdamin at opinyon.	Gumamit ng wika na angkop at malinaw sa pagpapahayag ng ideya.	May kakulangan sa pagpili ng salita o hindi lubos ang linaw ng pagpapahayag.	Hindi angkop o magulo ang gamit ng wika; mahirap maunawaan ang nais iparating.
<u>Gramatika at Mekaniks</u>	Walang mali sa baybay, bantas, at balarila.	May iilang pagkakamali ngunit hindi nakakaapekto sa kabuuang diwa.	Marami-raming pagkakamali na bahagyang nakakaapekto sa pagkaunawa.	Maraming mali sa baybay, bantas, at gramatika na hadlang sa pag-unawa.
<u>Pagkamalikhain</u>	Orihinal, makabago, at may masining na pagpapahayag ng ideya; nagpapakita ng malalim na pag-unawa sa larawan.	Orihinal ang ideya at may pagpapakita ng pagkamalikhain.	Bahagyang orihinal; may mga ideya na karaniwan o gasgas.	Halos walang orihinalidad o pagkamalikhain; kinopya lamang o walang sariling pagninilay.

GAWAING PAMPAGKATUTO

Asignatura:	Mabisang Komunikasyon	Kuarter:	2
Bilang ng Aralin:		Petsa:	
Nilalaman:	Tekstong Naratibo at Deskriptibo		
Pangalan:		Baitang:	11

- I. Gawain Bilang 13: “Tanaw Mula sa Teksto”
- II. Layunin: Sa pagtatapos ng gawaing ito, ang mga mag-aaral ay makapag-uugnay ng nilalaman ng tekstong naratibo at deskriptibo sa mga isyung may kinalaman sa panlipunang pananagutan, pagkakaiba-iba, at mga kaugalian sa lipunan.
- III. Kagamitang Kailangan:
- IV. Panuto: Ipabasa ang *dalawang teksto* (isang naratibo at isang deskriptibo) na may kaugnayan sa mga suliraning panlipunan o kaugalian sa lipunan. Sa isang buong papel, sagutin ang mga sumusunod na tanong nang buong husay at may paglalapat ng sariling pag-unawa:

Tanong:

1. Ano ang isyung panlipunan na binanggit sa teksto?
Ipaliwanag kung paano ito naipakita sa bawat teksto.
2. Anong pananagutan o pagpapahalaga sa pagkakaiba-iba ang naipapakita sa mga tauhan o sitwasyong inilalarawan sa mga teksto?
Magbigay ng kongkretong halimbawa mula sa binasa.
3. Ano ang pagkakaiba ng paraan ng presentasyon ng dalawang teksto (naratibo at deskriptibo)?
Ihambing batay sa estilo ng pagkukuwento, detalye, at layunin.

Sa isang maliit na barangay sa lungsod, namumuhay ang magkakaibang pamilya na may sari-saring pinagmulan—may Muslim, Katoliko, at Lumad. Isang araw, ginanap ang isang pagpupulong ukol sa pagbuo ng community garden. Bagamat may kanya-kanyang paniniwala at kaugalian ang bawat isa, nagkaisa sila sa layuning mapabuti ang kalagayan ng kanilang lugar. Si Aling Nida, isang matandang Katoliko, ay kusang loob na nagturo ng tamang pagtatanim, habang si Omar, isang binatang Muslim, ay naghandog ng mga binhi mula sa kanilang probinsya. Hindi naging hadlang ang kanilang pagkakaiba bagkus ito pa ang naging dahilan upang maging mas makulay at matibay ang kanilang samahan.

Habang lumalalim ang pagtutulungan, natutunan ng bawat isa na ang tunay na pananagutan sa lipunan ay ang paggalang at pagtanggap sa pagkakaiba-iba. Hindi na mahalaga kung ano ang relihiyon, wika, o kaugalian—ang mahalaga ay ang pagkakaroon ng malasakit sa kapwa. Sa pamamagitan ng simpleng proyekto, unti-unting nabuwag ang mga dating pagkakahiwalay ng bawat grupo. Naging simula ito ng mas malawak na pagkakaunawaan, kung saan ang bawat isa ay may boses at may puwang. Sa mata ng barangay, ang pagkakaiba ay hindi na hadlang, kundi tulay tungo sa mas maunlad at makataong pamayanan.

Unang Teksto

Ikalawang Teksto

Sa gitna ng mataong pamilihan ng lungsod, makikita ang samu't saring mukha—may mga nakasuot ng hijab, may mga may tattoo, may matatanda, kabataan, at mga taong may kapansanan. Tila isang makulay na larawan ang komunidad, binubuo ng iba't ibang lahi, paniniwala, at gawi. Sa bawat kilos at galaw ng mga tao ay mababanaag ang kani-kanilang pinanghahawakang kaugalian: may nagkukrus bago kumain, may tahimik na nagdarasal sa gilid, at may mga mag-anak na sabay-sabay kumakain bilang pagpapakita ng pagpapahalaga sa pamilya. Ngunit sa kabila ng pagkakaibang ito, nangingibabaw pa rin ang hangaring makiisa at makibahagi sa kabutihang panlahat—naglilinis ang ilan, tumutulong sa kapwa, at nakikilahok sa mga programang pangkomunidad.

Ang tanawin ay tila paalala na ang pagkakaiba-iba ay hindi hadlang kundi yaman ng lipunan. Ang tunay na panlipunang pananagutan ay nasusukat sa kakayahang tanggapin, igalang, at isaalang-alang ang dignidad ng bawat isa. Sa mga simpleng gawi tulad ng pagrespeto sa pila, pagbibigay-daan sa matatanda, at pakikiisa sa mga lokal na adbokasiya, naipapakita ang kabuuang diwa ng malasakit. Ipinapakita ng ganitong tagpo na sa lipunang may pagkakaiba-iba, kailangang itanim ang malalim na pag-unawa at paggalang sa bawat isa upang maging buo at matibay ang isang pamayanan.

GAWAING PAMPAGKATUTO

Asignatura:	Mabisang Komunikasyon	Kuarter:	2
Bilang ng Aralin:		Petsa:	
Nilalaman:	Tekstong Naratibo at Deskriptibo		
Pangalan:		Baitang:	11

- I. Gawain Bilang 14: “Narasyon ng Bayan, Panig ng Mamamayan”
- II. Layunin: Sa pagtatapos ng gawaing ito, ang mag-aaral ay inaasahang mahasa sa pagpapahayag ng damdamin at paglalarawan sa pamamagitan ng pagsulat ng tekstong naratibo at tekstong deskriptibo.
- III. Kagamitang Kailangan:
- IV. Panuto: Pumili ng isang isyung panlipunan mula sa listahan sa ibaba. Gamit ang napiling isyu, sumulat ng dalawang magkaibang teksto:

- **Isang tekstong naratibo** (kuwento ng totoong o kathang-isip na karanasan na may tauhan, tagpuan, at banghay).
- **Isang tekstong deskriptibo** (masining na paglalarawan ng damdamin, tagpuan, o karanasang may kaugnayan sa isyu).

Siguraduhing naipapakita sa iyong mga akda ang **paggalang sa iba't ibang pananaw at kultura**, kahit pa ito ay salungat o iba sa iyong paniniwala. Pumili ng isa mula sa mga sumusunod na **isyung panlipunan**:

- Diskriminasyon
- Karapatang Pantao
- Kahirapan
- Paggalang sa Kultura
- Kalikasan at Climate Change
- Bullying
- Gender Equality
- Karahasan sa Kababaihan
- Online Disinformation o Fake News
- Edukasyon at Pagkakapantay-pantay

<u>Kategorya</u>	<u>5 - Napakahusay</u>	<u>4 - Mahusay</u>	<u>3 - Katamtaman</u>	<u>2 - Nangangailangan ng Pagsasanay</u>
<u>Nilalaman</u>	<u>Ang isyu ay malinaw, orihinal, at makabuluhang tinalakay; may malalim na pag-unawa sa tema</u>	<u>Ang isyu ay malinaw at makabuluhan; may sapat na pag-unawa sa tema</u>	<u>May kalabuan sa tema; kulang ang pagtalakay sa isyu</u>	<u>Hindi malinaw ang tema; hindi naipakita ang isyung tinalakay</u>
<u>Pagpapahayag ng Damdamin</u>	<u>Malinaw at masining ang pagpapahayag ng damdamin; tumatagos sa mambabasa</u>	<u>Maayos ang pagpapahayag ng damdamin; may dating sa mambabasa</u>	<u>May pagpapahayag ng damdamin ngunit hindi ganap na ramdam</u>	<u>Hindi ramdam o hindi maayos na naipahayag ang damdamin</u>
<u>Paglalarawan (Deskriptibo)</u>	<u>Matingkad, makulay, at detalyado ang paglalarawan ng tagpuan, tauhan, at emosyon</u>	<u>Detalyado ang paglalarawan ngunit maaaring palawakin pa</u>	<u>May paglalarawan ngunit kulang sa detalye at imahinasyon</u>	<u>Payak at kulang sa imahinasyon ang paglalarawan</u>
<u>Banghay/Organisasyon (Naratibo)</u>	<u>Maayos ang pagkakasunod-sunod ng pangyayari; may malinaw na simula, gitna, at wakas</u>	<u>May simula, gitna, at wakas; may ilang kalituhan sa daloy ng kuwento</u>	<u>May pagkakasunod-sunod ngunit magulo o hindi buo</u>	<u>Magulo ang banghay; walang malinaw na simula, gitna, o wakas</u>
<u>Wika at Estilo</u>	<u>Malikhain, masining, at naaangkop ang wika sa layunin at mambabasa</u>	<u>Maayos ang gamit ng wika at angkop sa paksa at layunin</u>	<u>Karaniwan ang gamit ng wika; may ilang kamaliang gramatikal</u>	<u>Maraming kamalian sa wika; hindi epektibong nakatulong sa paglalahad</u>
<u>Kabuuang Presentasyon</u>	<u>Napakahusay na kabuuang presentasyon; nakaaantig at nakahihikayat magbasa</u>			

GAWAING PAMPAGKATUTO

Asignatura:	Mabisang Komunikasyon	Kuarter:	2
Bilang ng Aralin:		Petsa:	
Nilalaman:	Tekstong Naratibo at Deskriptibo		
Pangalan:		Baitang:	11

- I. Gawain Bilang 15: “Isang Sulat, Isang Pananaw”
- II. Layunin: Sa pagtatapos ng gawaing ito, ang mag-aaral ay inaasahang makapagpahayag ng sariling panig sa pamamagitan ng pagsulat ng liham o sanaysay ukol sa isang isyung panlipunan na may paggalang sa iba’t ibang pananaw, kaugalian, o paniniwala.
- III. Kagamitang Kailangan:
- IV. Panuto: Pumili ng isang isyung panlipunan na mahalaga sa iyo o malapit sa iyong karanasan o paniniwala (hal. diskriminasyon, *gender equality*, *fake news*, *climate change*, karapatan ng kabataan, atbp.
 1. Sumulat ng isang liham o sanaysay na nagpapahayag ng iyong posisyon ukol sa napiling isyu.
 2. Sa iyong sulatin, tiyaking:
 - Binabanggit mo ang iba’t ibang panig o pananaw ukol sa isyu.
 - Ipinapakita ang paggalang sa mga panig na taliwas sa iyong pananaw. Halimbawa:
 - “*Bagamat may mga naniniwala na... ako ay naninindigang...*”
 - “*Nauunawaan ko ang panig ng ilan, ngunit para sa akin...*”
 - Ipinahahayag mo ang malinaw at matibay mong paninindigan gamit ang lohikal na paliwanag, mga halimbawa, at ebidensya kung maaari.

Mahalagang Paalala:

- Gumamit ng magalang, malinaw, at makatwirang wika.
- Iwasan ang mapanirang pahayag o panlalait sa taliwas na panig.
- Sikaping magtaguyod ng paggalang sa pagkakaiba-iba ng opinyon at paniniwala.

RUBRIK PARA SA LIHAM O SANAYSAY NA NAGPAPAHAYAG NG POSISYON SA ISYU

Gawain: **“Isang Sulat, Isang Pananaw”**

Kabuuang Puntos: /25

Kategorya	5 - Napakahusay	4 - Mahusay	3 - Katamtaman	2 - Kailangang Pagbutihin
Pagpapakilala sa Isyu	Malinaw at makahulugan ang pagpapakilala; nahikayat ang mambabasa.	Malinaw ang pagpapakilala ngunit medyo karaniwan.	Nabanggit ang isyu ngunit hindi kaaya-ayang simula.	Hindi malinaw ang pagpapakilala sa isyu.
Pagbanggit sa Iba't Ibang Panig	Naipaliwanag ang iba't ibang panig nang may paggalang at balanseng pananaw.	Nabanggit ang iba't ibang panig nang may paggalang.	Nabanggit ang iba't ibang panig ngunit kulang sa pagpapaliwanag.	Hindi nabanggit o naipakita ang ibang panig.
Pahayag ng Sariling Panig	Malinaw, lohikal, at matibay ang paninindigan.	Malinaw ang paninindigan ngunit kulang sa lalim.	May paninindigan ngunit hindi lubos na naipaliwanag.	Hindi malinaw o mahina ang paninindigan.
Paggalang sa Ibang Pananaw	Tahasang ipinakita ang respeto at pag-unawa sa ibang pananaw.	Ipinakita ang paggalang sa ibang panig.	Bahagyang ipinakita ang paggalang.	Hindi naipakita ang paggalang sa ibang pananaw.
Kaayusan at Gramatika	Maayos ang daloy ng ideya; walang kamaliang gramatikal.	Maayos ang daloy ng ideya; may iilang kamaliang gramatikal.	Hindi ganap na organisado; kapansin-pansing kamalian sa gramatika.	Hindi organisado at maraming kamalian sa gramatika.

Interpretasyon ng Marka:

- 23–25 – Napakahusay
- 19–22 – Mahusay
- 15–18 – Katamtaman
- 14 pababa – Kailangang pagbutihin

GAWAING PAMPAGKATUTO

Asignatura:	Mabisang Komunikasyon	Kuarter:	2
Bilang ng Aralin:		Petsa:	
Nilalaman:	Tekstong Naratibo at Deskriptibo		
Pangalan:		Baitang:	11

- I. Gawain Bilang 16: “Mind Map ng Paggalang”
- II. Layunin: Sa pagtatapos ng gawaing ito, ang mag-aaral ay inaasahang maipamalas ang pag-unawa sa katangian, layunin, at estruktura ng tekstong naratibo at argumentatibo sa pamamagitan ng pagbuo ng isang mind map na nagpapakita ng paggalang sa iba’t ibang pananaw, kaugalian, o paniniwala, na may kaugnayan sa mga isyung panlipunan tulad ng pagkakaiba-iba at pananagutan sa lipunan.
- III. Kagamitang Kailangan:
- IV. Panuto: Gumawa ng isang mind map na may temang “Pagpapahayag ng Sariling Pananaw na May Paggalang.” Sa paggawa nito, maaaring pumili mula sa mga sumusunod na tema:
 - a. Pagtanggap sa paniniwala ng ibang relihiyon
 - b. Pagtutulungan ng magkakaibang lahi o wika
 - c. Paghanga sa kaugaliang hindi sariling kinagisnan


Gabay sa paggawa ng mind map:

1. Sa gitna ng papel, isulat ang **sentral na ideya**:
 - *Pagpapahayag ng Sariling Pananaw na May Paggalang*
2. **Mula sa gitna, bumuo ng mga sanga ng ideya.**

Sa bawat sanga, ilahad ang mga sumusunod:

 - 🌿 **Mga Natutunang Prinsipyo sa Pagsulat ng Naratibo at Deskriptibo**
 - Halimbawa: Pagbibigay ng lohikal na paliwanag, pagsunod sa estruktura, paggamit ng ebidensya
 - 🌿 **Mga Paraan Kung Paano Ipakita ang Paggalang sa Paniniwala ng Iba**
 - Halimbawa: Aktibong pakikinig, paggamit ng magalang na pananalita, hindi panghuhusga
 - 🌿 **Mga Halimbawa ng Mga Pahayag na May Paggalang**
 - Halimbawa:
 - “Nauunawaan ko ang inyong paniniwala, subalit...”
 - “Igalang natin ang iba’t ibang pananaw...”
 - “Bagamat iba ang aking karanasan, nirerespeto ko ang sa iyo...”
 - 🌿 **Mga Sitwasyon sa Buhay Kung Saan Ito Maaaring Gamitin**
 - Halimbawa:
 - Talakayan sa klase
 - Pakikipag-usap sa kaibigan na may ibang paniniwala
 - Pagsusulat ng sanaysay o post sa social media

Hal.



https://www.canva.com/design/DAGqJ_KOK5I/MYj_L3kSNJ4qKkJfsXPB2g/edit?ui=eyJB1jp7fX0

Kategorya	Lubos na Mahusay (4)	Mahusay (3)	Katamtaman (2)	Pangunahing Pangangailangan (1)
Nilalaman	Kumpleto at malinaw ang lahat ng sangay ng mind map (prinsipyo, paraan, halimbawa, sitwasyon); may kaugnayan sa tekstong naratibo/argumentatibo at panlipunang isyu	Halos kumpleto ang sangay; may kaugnayan sa paksa	Kulang ang isa o dalawang sangay; limitado ang kaugnayan sa paksa	Halos walang sangay o hindi malinaw ang kaugnayan sa paksa
Pag-unawa sa Konsepto	Naipakita nang masining at may lalim ang pag-unawa sa paggalang sa pananaw, paniniwala, at kaugalian	May malinaw na pagpapakita ng pag-unawa sa konsepto	Bahagyang naipakita ang pag-unawa, may kalituhan sa ilang bahagi	Hindi naipakita ang pag-unawa sa konsepto ng paggalang o pananaw
Kreatibidad at Presentasyon	Masinop, malikhain, at kaaya-ayang tingnan; mahusay ang organisasyon ng ideya	Malinis at organisado, may kaunting disenyo	May kaunting pagsisikap sa disenyo ngunit hindi masyadong organisado	Magulo, mahirap basahin o walang disenyo
Wika at Pagpapahayag	Wasto, malinaw, at magalang ang mga ginamit na pahayag; sumusunod sa tuntunin ng gramatika	Maliit na pagkakamali sa wika, malinaw pa rin ang mensahe	May ilang maling gamit ng wika o kulang sa paggalang sa pahayag	Maraming mali sa wika; hindi magalang o hindi maunawaan ang mga pahayag

Kabuuang Puntos: ____ / 16

Pangkalahatang Marka:

☀️ **14 – 16:** Napakahusay

☑️ **10 – 13:** Mahusay

⚠️ **6 – 9:** Kailangang Pagbutihin

✗ **1 – 5:** Hindi Nakamit ang Inaasahan